

श्री बसुन्धरा स्तोत्र

तथा

श्री जटाधारी पद्मपाणी लोकेश्वरया
महात्मे



लेखक

रत्न राज बज्जाचार्य
चक्रवर्ण महाविहार, ललितपुर
(हाल लगनखेल, ललितपुर)

श्री बसुन्धरा स्तोत्र
तथा
श्री जटाधारी पद्मपाणी लोकेश्वरया
महात्मे

लेखक
रत्न राज बज्जाचार्य
चक्रवर्ण महाविहार, ललितपुर
(हाल लगनखेल, ललितपुर)

सफू - श्री बसुन्धरा स्तोत्र तथा श्री जटाधारी पद्मपाणी
लोकेश्वरया महात्मे

प्रथमबार - ने.सं. ११११ ज्यापुन्हि ५०० प्रति
दुतियबार - ने.सं. ११२२ श्रावण शुक्ल अष्टमि (पंचदान)
(२०५९ श्रावण) ५०० प्रति
तृतियबार - ने.सं. ११३३ भाद्र कृष्ण औंशी (२०७० भाद्र)
५०० प्रति

प्रकाशक -

सुश्री रुक्मिणी श्रेष्ठ

१६५, डाँफे मार्ग, बबरमहल, का.म.न.पा. वडा नं. ११, काठमाडौं ।

फोन ल्या: ४२२०१६४

मू - २५।-

मुद्रक -

नेपाल प्रिण्टिंग हाउस

असन, त्यौड, येँ

ISBN # 978-9937-2-6721-2

प्रातः स्मरणीय दिवंगत
पूज्य पिता श्री छत्रमान श्रेष्ठ
व
पूज्य माता श्रीमती नीलकुमारी श्रेष्ठ
या
पुण्य स्मृतिस सादर श्रद्धाञ्जली देछायागु जुल ।

- सुश्री रुक्मिणी श्रेष्ठ

ॐ नमः श्री वसुन्धरा देव्यै ॥

दिव्य रूपी सुरुपीच सौम्य रूपी वर प्रदा ॥
वसुधरी वसुधारी वसुश्री श्रीकरीवरा ॥
धरणी धारणी धाता शरण्या भक्ति वात्सल
प्रज्ञापारमिता देवी प्रज्ञा श्री बुद्धिवर्द्धिणी ॥
विद्याधरी शिवा श्रुक्मा शांता सर्वत्र मातृका ॥
तरुणी तारणी देवी विद्या दानेश्वरेश्वरी ॥
भूषिता भूतमाताच सर्वा भरण भूषिणी ॥
दूदान्तत्रा शिणी भीमा उग्राउग्र पराक्रमा ॥
दान पारमिता देवीवर्षणी दिव्य रूपिणी ॥
निधानी सर्व मांगल्या कीर्ति लक्ष्मी यशशिवणी ॥
दहनी मारणी चण्डी सवरी सर्वमातृका ॥
कृतांत त्राशनी भीमा कौमारी विश्वरूपिणी ॥
वीर्यपारमिता देवी जग दानदलोचनी ॥
तापसि उग्र रूपीच ऋद्धि सिद्धि वर प्रदा ॥
दान पुण्य महा भागा अजिताजित विक्रमा ॥
जगदेक हितोविद्या संग्रह मेता रणीशुभा ॥
क्षातिपारमिता देवी साधनी ध्यान ध्यायिनी ॥
पद्मनिपद्मधारिच पद्मासन समासिनी ॥
शुद्ध रूपी महातेजा हेम वर्णा प्रभाकरी ॥
चिंतामणि धरी देवी प्रज्ञापुस्तक धारणी ॥

निधान कूट मारुढा ध्यान्नागार धन प्रिया ॥
 त्रैधातुक महाआढी दिव्या भरण भूषिणी ॥
 सरस्वती विशालाक्षिचतुर्वम्हविहारिणी ॥
 तथागति महारम्या वज्रिणी धर्म धारिणी ॥
 कर्म धातेश्वरी विद्या विश्व ज्वालागु मण्डली ॥
 बोधिनी सर्वमाराणां बोध्यग कृतशेषरी ॥
 धान्यादि मूक्ति सपन्ना अद्वयोद्वय भाविणी ॥
 सर्वार्थ साधनी भद्रा स्त्री रुपामित विक्रमा
 मातरी सर्व बुद्धानां रत्नधात्वेश्वरेश्वरी ॥
 शुन्यता भाविणी देवी भावाभाव विवर्जिनी ॥
 वैनायकि विनेताच दीपिणी क्लेश छेदिनी ॥
 भिदिनी सर्वमाराणांसप्तपाताल क्षोभिनी ॥
 ब्राम्हणीवेदमाताच गुह्यराद् गुह्यबासिनी ॥
 दर्शनि बुद्ध मार्गानां नष्ट मार्ग प्रदर्शनी ॥
 वागीश्वरी महाशांतिगोप्तीधावृधनददा ॥
 स्त्री रुपाधारणीसिद्धा योगीणी योगमीश्वरी ॥
 मनोहरी महाशांति शुभगाप्रिय दर्शनी ॥
 सार्थवाहकृपा दृष्टि सर्वताथागतात्मकि ॥
 नमस्तुते महादेवी सर्व सत्त्वार्थ दायिणी ॥
 नमस्तुते दीव्यरूपीच वसुधारा नमस्तुते ॥
 अष्टोत्तर शतनाम त्रिकालं यथेदिमां ॥
 प्राप्नोतिनियतं सिद्धिं इष्टितं सुमनोरथं ॥

तत्सर्वक्षेपयिष्यं तिस्मरणान्नाम भद्रकं ॥

अथवा शिलसपन्ना सप्तजातिस्मरो भवेत् ॥

प्रियश्चादिय वाक्यश्चरुपवान् प्रियदर्शनः

विप्रक्षेत्रिय कूलेषू आदेय मुपांजायते ॥

अंतैभूमिश्चरं प्राप्तः पश्चात्प्राप्त सुखावति ॥

इतिश्री बसुन्धारायानामा स्तोत्र शतकं बुद्ध भाषितं समाप्तं शुभं ॥

शुगु धारणी शुद्ध नेमयाना सुथय् वा न्हिनय् बहनिइ पाठ यानागु
पुण्यं धन संपत्ति कुल सन्तान मनोरथ परिपूर्ण जुयाव अष्ट महाभय
निवारण जुइ । अंतकालय सुखावती भुवनय् वास लाय दइ ।

शुभं कल्याणमस्तु ॥

ॐ नमो श्री पद्मपाणी लोकेश्वराय ॥

शंभाषयं त्रिभुवन जिन राजदीत्यैः यश्चाधरं निलयं भीम
विलग्नसत्त्वं शौखावतिपुरवरे युगवास दे हं । तं धर्मराज गुणदेव
सततं न मे हं ॥१॥ यं बुद्ध जं जिनकर परमं भयघ्नं दृष्ट्वाकरं
गुणनिधे सकलाकश्वसत्त्वा पारंगतविषय चूर्ण जलाववाब्धे । तं
धर्मराज गुण दं सततं न मे हं ॥२॥ सत्त्वागृहा जनम
व्याधिजरान्त दृष्टाः केनार्धतामदं न मान महान्धकारात् । तं
पागृहापरम ज्ञान विशुद्ध राजं तं धर्मराज गुणदं सततं न मे हं
॥३॥ यस्मैददं कुशुम धूप विलेपनादिं सहश्रुय विविध धम्म चिते
शुचित प्राप्तजना विबुद्धराज पदत्वं युग्मं । तं धर्म राज गुणदं
सततं न मे हं ॥४॥ यसमात वराणिपरिर प्रविध्य विधान सौखान्वितै
सुखभरै परितुष्ट मानै । मर्त्य कृता विविध दान सुशील ध्यान तं
धर्मराज गुणदं सततं न मे हं ॥५॥ श्रुब्दप्रभं जिनकरै परिमिश्रभूता
ज्ञानोभयं कमल जं परिपेय यस्य देवामृत सुगतराज बरो मरेद्रं तं
धर्म राज ॥६॥ यस्मै सदा शरण चित्तमलोलभूतं यस्य
मदैत्यकंलुशदेहमर्थ भूतं । त्यक्तो तुमै जन जनाशन लयबान्स तं
धर्म राज ॥७॥ सत्त्वोद्धरेसकल देवविरुप धारिन ब्रम्हा गणेश
सततं पूजित पाद पद्मं । नानाविधेसकल भूत दयार्दचितः । तं
धर्म राज गुण दं सततं नमेहं ॥८॥ भुक्त्वा श्रुचिपरम पुण्य जिन
स्तवतं । श्रुत्वाशयं पठतिशुद्ध विशुद्धभावे योग दल पदवरं ।
जिराज भावं । तं धर्म राज गुण दं सततं न मे हं ॥९॥ क्षेमा

करोतुहिपदे विरुढ भावे काम द दं सुगत ज्ञान सुलब्ध हे तो ।
सत्त्वा स्वरक्षतु महस्त विघ्न मारान् श्रुत्वा पठतिभय शत्रु विमर्द
रक्षः ॥१०॥

इति श्री मदार्यावलोकितेश्वर भतारकष्य धर्मराजस्रव तोत्रं
समाप्तं ॥

धुलि यमराजायागु तोत्र १० पु जुल ॥

ॐ नमो रत्नत्राय ॥

आदि बुद्ध श्री प्रज्ञारूप आर्यावलोकितेश्वरयात नमस्कार

नेपाल धर्म भूमि मञ्जु घोषेण स्थापित ॥ संत्य युगे नाग
बास दह त्रेतायुगे मञ्जुश्रीनं लख दक्को छोना नेपालया भूमि
खनेदयेका बिज्यात ॥

द्वापर युगे

बाराणश्यां महीयःक्षितिपति निहिते विप्रव सेशभी जातो
यस्मिनायुः सहश्राण्यति शयमहोतोविशति बत्सराणां ॥

छगु समय काशिक्षत्रे ब्रम्हदत्त महाराजानं राज्य भोग
यानाच्चन । थ्व अवस्थासं रानी धनवति गर्भवति जुयाव १०
लास सम्पूर्ण जुयेवं भंगु नक्षत्र पुन्हि कुन्हु कुमार छम्ह जन्म
जुल । थ्व कुमार अति सुलक्षणनं संयुक्त जुयाव राजा प्रजा
सकलया आनन्द जुयाव गुरु पुरोहित निमन्त्रणा यानाव शास्त्रया,
लग्नया प्रमाण थें जात कर्म व नाम कर्म याक जुल । काश्यप
धकं नाम छुनाव अनेक दान दक्षिणा बियाव दुःखी दरिद्रपिन्त न
दान प्रदान यानाव कुमारयात सुखनं प्रतिपाल यानाव तल ।
कथहनं डाला खुला दयेवं अन्नं प्राशनादि यानाव तल । थनलि

डादं, खुदं दया वसेलिं गुरुयात लवल्हानाव विद्या शास्त्र स्यने कने यानाव तल । शास्त्र विद्या नं पारंगत जुसेलि शिल्प विद्या ६४ चतुषष्ठी विद्या नं पारंगत जुयाव यौवनया अवस्थास विवाह कर्म यानाव अत्यन्त हर्षमान नं इष्टमित्र थवथिति देश देशया राजापनि निमन्त्रणा यानाव सुखन च्वन जुल ।

निदं पिदं दया वसेलि थुम्ह कन्याया पाखें कुल सन्तान छम्ह जात जुल । थुम्ह कुमार ख्वाल स्वयाव कुलस्थीर जुल धकं मनस हर्षमान यानाव थवगु कुलाचार थें जात कर्म, नामकर्म यानाव तल ।

**येनन्यग्रोध मूले त्रिभव जल निधि
शोषिता ज्ञान दीप्त्याः ॥**

थनीलि काश्यप कुमार मतिं चिंतणा यानाव बिज्यात कि आव कुलस्थीर जुल धकं थव एकान्तनं तपोवन बिज्यात । न्याग्रोध सिमाया क्वसं ध्यान याना समाधि योग तपस्या यानाव बिज्यात । थुगु अवस्थास समाधि योगया प्रभावं राग द्वेष मोह माया मार दक्व जितेयाना तथागत पद लानाव अनेक धर्म चक्र प्रवर्तन याना तिष्य व भारद्वाज आदि शिष्यपिं आपालं सहित यानाव स्थान स्थानान्तरे धर्म कथा ब्याख्या यानाव नेपाल थ्यकं प्रस्थान याना बिज्यात । श्री स्वयम्भू ज्योतिरुप दर्शन यानाव

अननं श्री गुहेश्वरी दर्शन याना तोत्र पाठ यानाव द्वादश तिर्थ
 अष्ट बैतरागया महात्म्य खँ कँनाव अननं गौड़ देशय् बिज्याना
 व प्रचण्डदेव राजाया थास थ्यनकाव अनेक धर्म महात्म्य आज्ञा
 दयेकाव बिज्यात । थ्व ते काश्यप तथागतया धर्म कथा न्येनाव
 अक्षय तृतिया कुन्हु पिण्डपात्र दान यानाव क्षीर भोजन याकुगु
 जुल । थनलि श्री भगवानं आशिर्वाद बिया बिज्यात, “भो प्रचण्ड
 देव राजन छ, नेपालस वना श्री स्वयम्भू ज्योतिरुप दर्शन याना
 श्री गुहेश्वरी दर्शनयाव गुणाकर आचार्य भिक्षुयाके शिक्षा कया
 प्रबज्या व्रत या अनलि कथहनं बज्राचार्य पदलाना चिरंजीवी
 जुया च्वं हु” धकं आज्ञा दयेका अननं प्रस्थान याना अनेक देश
 ग्राम चाहुला २००० निद्वल दँ वर्षे निर्वाण जुया बिज्यात ।

थथे कश्यप तथागतया वचन डेनाव थव पुत्र शक्ति
 देवयात मालको कर्म काण्ड थिति रिति स्यना कना थवगु
 सिंहासनस फेतुका राज्याभिषेक बिया थव स्त्री सहित नं तपोवन
 वने धकं प्रस्थान यायां नेपाल थ्यनकल वयाव श्री स्वयम्भू
 ज्योतिरुप श्री गुहेश्वरी नैरात्मा दर्शन यानाव गुणाकर भिक्षु
 याके शरण वनाव शान्त श्री भिक्षु नामकरण यानाव श्रावक धर्म
 प्रबज्या व्रत ग्रहण यानाव न्हिथं श्री त्रिरत्नया सेवा भक्ति यानाव
 च्वँन । थनलि श्रावक धर्म पारंगत यानाव पुण्य कयानं संपूर्ण
 शास्त्र ज्ञान सयेकाव पुनर्वार श्री मञ्जुश्री चैत्य सेवा भक्ति भाव
 यानाव च्वँन । छन्हुया दिनस मञ्जुश्री गुरु प्रशन्न जुयाव आज्ञा

दयेका बिज्यात, “भो बत्स छं छुं कारणं सेवा यानागु छन्त
वरदान बिये” धकं आज्ञा दयेका बिज्यात, “थन शान्त श्री भिक्षु
प्रार्थनायात हे गुरु जित बज्राचार्यया पद बिया बिज्याहुने, लिपा
कलि कालस पापिष्ट तस्यें थ्व ज्योतिरुप श्री स्वयम्भू स्यंका
ध्वंस याइ उक्थें जिं थ्व ज्योति रुप तोकपुया चैत्य देवल दयेका
बिये अथ्येया कारणं जित बज्राचार्य पद बिया बिज्याहुं” धकं
पवन । श्री गुणाकर गुरुं तथास्तु धकं बज्रघण्टाभिषेक बिया
शान्तिकर बज्राचार्य धका नाम छुनाव बिज्यात । थनलि अष्ट
दिगया लोक पालपिं ग्वाहालि कयाव पाद स्थापन निसें आरम्भ
यानाव कथहनं त्रयोदश भुवन गजुल समेत तयाव सिधयेका
बिज्यात ।

नेपाल मण्डलस रोग, दुःख, भय निवारण याये निर्मितिन
पंचपुर दयेकाव शान्तिपुरया कोसं छगु योजन सुरुङ्ग म्हुयाव
चिंतामणि ध्वजा ब्वयेका अंधकार मदयेका चिछि न्हिछिया स्वास
छको जक फेरेयाना समाधि योग यानाव बिज्यात । धन चैत्य
थनलि मानदेवया पर्यायसं मन्जु पतन देसस आपालं मञ्जुश्रीया
शिष्य गणपिं बास यानाव न्हिथं जप पाठ जज्ञ आदि यानाव पर
उपकार यानाव च्वन । थनलि मानदेव राजानं गुरुया उपदेश
ड्येनाव यल देसया दक्षिण दिशापाखें विहार छगु दयेकाव रत्न
पाणी बोधिसत्व स्थापना यानाव श्री मानदेव संस्कारित चक्रवर्ण
महाविहार धका नाम कर्ण यानाव अनेग देव देवीपिं प्रतिस्थापना

यानाव थव गुरु पुरोहित पनिस्त यथायोग्य प्रमाण नं सिरपा
 बियाव आनन्द नं च्वन जुल । कथहथ्यं रानीया गर्भनं छन्हुया
 दिनस कुमार छम्ह जन्म जुल । थव कुलाचार थें जात कर्म व
 नामं कर्म यानाव प्रतिपाल यानाव तल । थनलि थव पुत्र
 तवधिक जुयावस्येलि मालको थितिरिति स्यनेकने यानाव विवाह
 कर्म यानाव थ्वहे विहारस चुडाकर्म यानाव श्रावक यान धर्म
 यानाव च्वन । कथहनं पारंगत जुयाव महायान धर्म यानाव
 कुलिश्वेस्वर प्रतिस्था यानाव आगम देवताया सेवा शक्ति यानाव
 निर्वाण लाक जुल ।

१) थनलि मन्जु पतन देशे मञ्जुश्रीया शिष्यपिसं अनेग
 धर्म व्याख्यान यानाव च्वन । थन धनदत्त राजां गुरुया उपदेश
 न्यना धन चैत्य स्थापना यानाव अहोरात्र व्रत दनाव बिज्यात ।
 थनलि शीवदेवया पर्यायस अनेग धर्म कर्म न्याय निति नं प्रजा
 प्रतिपाल यानाव च्वच्वं छन्हुया दिनस पुत्री छम्ह जन्म जुल ।
 थुम्ह पुत्री खना राजा व प्रजापिं अति खुसि जुयाव च्वन । थव
 कुलाचार थें जात कर्म यानाव भिनक प्रतिपाल यानाव अन्न
 प्राशनादि यानाव ततं यौवन अवस्थास अंशुवर्मायात कन्यादान
 यानाव राज्य समेत तोलता तपोवन बिज्यात । मङ्गलया भंडार
 खालस चोंगु पुखुया दथुस सियागु थामस वहया पलेस्वाँ छफो
 नं तया श्रावक चर्या यागु जुल (थ्व पलेस्वाँ मङ्गले भण्डारखालस
 दथुस आनं दनि) थनलि छन्हुया दिनस प्रयाग क्षेत्रे बिज्याना

प्रयाग तीर्थया जल हया कलश स्थापना यानाव प्रयाग पुखू दयेकाव श्रावणवदी पारु कुन्हु मेला भरे यायेगु थिति दयेका बिज्यात ।

थुगु बखतस न्हापा द्वापार युगे पद्म शेखर राजकुमार जन्म जुगु थास बैशालि नगर (हाँडी गाम, गुगुकि अग्नी उत्पात जुयाव छन्हुया दिनस हे जलान जुया ध्वंस जुयावन) शंखमुल तक थुगु अवस्थास दक्षिण दिशा दक्षिण पाखें जङ्गल म्हासे याना मध्यलषु देश छगु दयेका श्री मति देश धकं नामकरण यानाव दश क्रोध भैरव आर्कान याना गुरु पुरोहित पनिस्सन प्रतिष्ठा याकाव आनन्द नं प्रजालोक प्रतिपाल याकाव च्वन । कथहनं रानीया गर्भ बढय जुयाव दस मास पुर्ण जुस्येलि सुदिन सुवेलास कुमार छम्ह जन्म जुल थ्व कुमारया ख्वाल स्वयाव कुल थिर जुल धकं हर्षमान यानाव पुरोहितपिं सलताव थव कुलाचार थ्यें जात कर्म यानाव वृषदेव बर्मा धकं नाम करण यानाव थव इष्टमित्र पित्त निमन्त्रणा यानाव मधिचधि फलफुल भोजन यातकाव गुरुपित्त यथा योग्य प्रमाण दान दक्षिणा बियाव सुख नं बिज्यात । थ्व वृष बर्मा राजकुमार शुल्क पक्षया चन्द्रमार्थें न्हिया न्हिथं बढये जुया ज्ञान बुद्धि बढये जुया वल । थनलि हानं द्वितिय सन्तान छम्ह जन्म जुल । थ्वयात नं कुलाचार थें मालको कर्म काण्ड यानाव वालार्चन धका नामाकरण यानाव भिनकं प्रतिपाल यानाव तल । निदं पिदं दयाव वसेलि भिंच्यादं (१८)

दुमह वृषदेव बर्मा थव ज्येष्ठ पुत्रया विवाह कर्म यानाव राज्य
भारा बियाव राजारानी निम्ह तपोवन बिज्यात । थन अबुया
आज्ञा थें न्याय निति धर्म नं प्रजाप्रतिपाल यानाव धर्म कर्म
यानाव च्वँन ।

द्वापार युगया अन्तिमस मध्यलषु श्री मति देशया वृषबर्मा
राजा नं न्याय निति धर्म नं बिलिबिलिं जावगु समान
जुयाच्वँन । न्हिया न्हिथं श्री खड्ग योगिनी दर्शन याना दान धर्म
चलेयाना चोचों श्रावण कृष्ण पारु धर्म यात्रा कुन्हु धर्मदत्त
दयेका वंगु धन चैत्यजिर्णोद्वार यानाव अनं नं शंखमुल तीर्थस
मोलल्हुया ईश्वरपिं दर्शन यानाव छें बिज्याकगु जुल । जुजु
वृषदेव बर्मायात आकाभाकां छुं लौचं कल उघिमय यमकिंकर
धयापिं वया थ्व जुजुयागु जीव यंकल । यमलोकस यंकुगु बखतय्
दक्षिण दिशापाखे पापिष्ट तय्त नरक भोग याकातवगु वृषदेव
बर्मा राजा यानं निसें खन ।

**सूची मुखं उत्तर पर्वत जिर्णमग्नं क्षुतृष्णा दुःख भय पिडित
प्रेत संत्वा सं पियते कररुहेश्ववने नदिभि ।**

न्हापां मनुष्यजुनी दयानं दान मयासे कपति जुया पापनं
प्वाथ जक तग्व ल्हाहा तुति चिकिपु म्हुतु जक मुलुया प्वाल थें
चिकिप्वापिं सुचि मुख प्रेततः थुमित उद्धार याये निमितिं जय

मुकुटं पुया न्हायपनस कुण्डल चात्रा सुया पिताम्बरया धोतिं
चिना जव ल्हातं बरद मुद्रा क्येना पतिंचां अमृत रुपि जल
हायेका बिल । पुनरबार मगागुलिं खव ल्हातं पले ज्वना पतिंचां
जल हायेका बिल अथ्यनं तृप्त मजुयाव जतां लख धार हायेकाव
तृप्त यानाव बोधि ज्ञान बिया उद्धार याना बिज्यात ।

यम लोक पिने २ गु खुसि दु । थ्वया दुने पति चक्का
मियागु पःखा दु । उलंघनयाना वने फेइमखुगु हुंकार शब्द हक्का
हइगु । धर्मात्मापिं वइगु अवस्थास मि शान्त जुइगु पुर्वया द्वारय्
वहयागु सुन्दरगु दक्षिणय् नयागु ग्यानापुगु द्वार दु । थ्व थासय्
पाः च्वनाचोपिं हाकुपिं जमदुतत ल्हातय् खड्गं व पाशा, गुलिसिया
धनुषवाण, गुलिसिया छुरी, भाला, मुगल, त्रिशुल ज्वना जुइपिं
गुलिं सिंहया ख्वाल गुलिं किसि ख्वाल, धुं, भालु, खिचा, कोख,
गृद्ध, इमा, फा इत्यादि ख्वालपिं न्यासलम्ह दयाच्वन । पापिष्ट
तय्त पाशं चिना मुगलं दाया हइगु जुया च्वन ।

दक्षिण द्वारे ताम्रला लोह मयं शृष्टि तत्मार्गे दलोह कीलै
श्चचकील तं च समेततः तथाक्षुर धौपिं प्रवर्तते समेतत कंटक
१ तप्तवालुका २ अग्नी स्कन्धलोहकील सुरक्षुरधार अग्नी कुण्ड
लोहकुंभं तैलपाक विन्मूत्रकुण्ड जलौका कुण्ड सर्प कुण्ड
अंधकार । वैतरणिहृदय मूङ्गलेन ताडन ।

अर्थ -

थन थ्व दक्षिणपाखे लँय् कया भारपात गनं गन मुलु
तस्वाका लँय लायातइगु, गन खोचाया धार थवस्वकातइगु ।
दक्षिण द्वारस बिज्याम्ह यमराजाया रुप वर्णन छपा ख्वाल निपा
ल्हा भयानक ग्यानापुगु जवं खड्ग म्हुया खवं खिपत ज्वना
बिज्याम्ह सं जट्टा जुया थथ सोगु छचौलय् सं । वाक्कुछिना
तंम्बया पापितयगु ख्वाल खनेवं हक्का बोल बिइम्ह थथिम्ह यम
जिं नं स्वया वया हान पुर्व पश्चिम उत्तर पति बिज्याइम्ह शान्त
स्वभाव स्वेत वर्ण पद्म बरद मुद्रा पंच मुद्रा तिया बिज्याइम्ह
पिताम्बरया धोति चिना बिज्याइम्ह ।

गत्वा चयेन नरकेषु अबि ची मग्न
शान्त कृत हृदयी विशाररु हंश पद्म
येनारकी सकल दुःख विनाशयंति ॥

हाकनं पुर्व जन्मस दशाकुशल पाप यांना वगुलिं चिकं
दायेका तवगु खासिस क्वफाना सास्तियांना तवगुलिं करुणा
तया अवीचि नरक थमथें थम्हं बिज्यांना थवगु रश्मीं खयेका मिं
दक्को शान्त यांना चिकं दक्को लखया पुखूयांना थुकिस पलेस्वां
बुइका दया दथुइ बिज्यांना बोधि ज्ञानया खँ कना उद्धार यांना
बिज्यात । थुगु चरित्र खना जमदुत सकलें त्राशनं ग्यांना
यमराजया थास वना बिन्तियात - हे धर्मराज मिव आगत

कारुपी । ये कर्म भूमिइव सिताते निमित्त । अथं हे यमराज
छलपोल वचन अनुसार पापिष्ट जनपिन्त जिमिसं कर्मभोग
याकातया । थन अदभूतम्ह कामरूपी बिज्याना नरक दक्को ध्वंस
जुइ धुंकल छलपोल बिचार याना बिज्याहुं धका हतपत बिन्ति
यावगु खँ न्यना यमराजं ध्यान दृष्टिं स्वगु वर बले श्री सुखावतिया
नाथ पद्मपाणि आर्यावलोकीतेश्वर धका सियेकाव तत्कालन
पुजा सामान ज्वना ईश्वरया थास बिज्याना पुजा भाव भक्ति
याना तोत्र ब्वना नमस्कार यानाव बिज्यात । थनलि
धर्मराजायात आशिर्वाद बियाव निमेश मात्रनं अन्तरध्यान जुया
बिज्यात ।

थनलि वृष बर्मा राजा यमदुतपिंस ज्वना हयाच्चंगु खना
आज्ञा जुया बिज्यात — हे दुत गणपिं आम राजा तसकं धर्मात्माह
खव, छिमिसं थन हया सिइ मत्यनिम्ह थन छांय हया याकन
लित यंकि धका आज्ञा दयेका बिज्यात ।

थुखे दरवारे सुथे न्हापां दना बिज्याइम्ह राजा थौं आवतकं
दना बिमज्या धका रानी नं स्व बिज्यात । राजा निर्जिव जुयाच्चंगु
खना ख्वया हतपतं दरवारस सकलयात खवर बिल । किजाम्ह
वालार्चन बिचार याकगु अवस्था सं छुं हे म्वायकं दाजु परलोक
जुल धका अतिबिलाप याना थवथिति इष्टमित्र सकलयात खबर
यानाव प्रजापनिस्त खवर बिया बिज्यात । थनं राजाया अग्नी

संस्कार यायेगु सामान जोरे यानावं च्वन । थन मंत्री, भारदार,
 सैन्य लोक सकलें जमा जुयावं च्वन । थुखें यमलोकस यमराजां
 उजं दयेका बिज्यात - थ्व राजा याकनं लित यंकि । थ्वइगु
 शरिर अग्नी संस्कार यात थ्व कि जीव च्वनीगु शरिर दइमखु ।
 उकें याकन यंका बिउ । धका आज्ञा दयेका च्वन । यमदुतपिंसं
 आकाश मार्ग नं निमेश मात्रणं दरवारय् निर्जिवगु शरिरस त्वता
 बिल । सित धका जुम्ह जुजु वाथाक्क दनावल । दक्को लोकपिं
 अनर्थ जुल । सिये धुंकुम्ह वृषदेव बर्मा पुनः सध्ये जुल धका
 विचार याना च्वन ।

थन राजा यागु चरित्र न्यनेगु सकलया इच्छा जुया
 बित्तियात महाराज छलपोलयात गथे जुगु जिमित खं कना
 बिज्याहुं धका न्यस्लेलि मंत्री भारदार सकल दुनिया पिनिगु
 ख्वाल स्वया आज्ञा दयेका बिज्यात - भो मंत्रीगण, प्रजालोकपिं
 धर्म यात्रा जुया दिन जुगुलिं सुथे न्हापां दना शंखमुल तीर्थय्
 मोलल्हुया ईश्वरपिं जिं दर्शन याना बिश्राम याना च्वनागु अवस्था
 यमदुतपिं वया जित यमलोक ब्वना यंकल यमलोकस पापिष्ट
 जनपिन्त अविची नरकस चिकं दयेका क्वफाना सास्ति नका
 तल । श्री पद्मपाणि लोकेश्वर थमथ्य थम्हनं नरकय् चोपिन्त
 नरकं थकया उद्धार याना बिज्यात । हानं श्रुचिमुख प्रेत तय्त नं
 थवगु ल्हाहा तुति पतिनं जलधारा खुसि थें लख न्त्याका उद्धार
 याना बिज्यागु जिं स्वया वया धका यमलोकया खं कना

बिज्यात । बरा अनर्थ जुल धका राजां खँ कना बिज्यात । लोक सकलसिया मनस खँल्हात राजा बृषदेव बर्मा भाग्यमानी यमलोक बिज्याना हाकनं लिहां बिज्याम्ह, भीसं गुबलें न्यने मनंगु धका बिन्ति यात - भो महाराज आम पद्मपाणि लोकेश्वर यागु रुप जिमित दयेका क्यना बिज्याहुं जिमिसं नं दर्शन यायेधका सकल लोकं धागु खँ न्यना राजां थम्हं दर्शन यानावया थें च्वंक श्री पद्मपाणि जटाधारी लोकेश्वरयागु मुर्ति दयेका क्यँन । सकल लोक नं दर्शन यायां दरवारस गुगू चोकया मध्य देगल दयेका पुरोहितपिसं प्रतिस्था जज्ञ यानाव न्हिं ३ कोल मोल ल्हुया पंचामृत क्षीर भोजन चधेयाना रात्री संध्याकाल धुप दीप आरती यानाव आनन्द नं बिज्याक जुल ।

थ्व कुन्हुनिसें श्री लोकेश्वर यागु मुर्ति दुगु जुल । राजा प्रजा सकलें दान धर्म याइपिं जुल । थुगु मुर्तियात धर्मराजा नं धाइगु जुल । राज्य सुख व ऐश्वर्य जुया च्वंगु अवस्थास थव किजा वालार्चनयात राज्य बियाव तीर्थव्रत यायेत गोदावरी वन । लोकपाल सकल वनाव अनंलिहां बिज्याक वसेलि बिचय् बिश्राम याना बिज्यात । थुगु थाससं चैत्य छग्वः स्थापना याये माल धका मति तया भिंगु व नक्षेत्र योगवार कुन्हु शिलान्यास याका व गुरु पुरोहितं यज्ञ याकाव प्रतिस्था याना बिज्यात । थुगु थासयात बदेगां धका नां तया बस्ती दयेका बिल । थनलि छुं दिन लिपा थव दरवार श्री मति देश लिहां बिज्याना श्री

जटाधारी लोकेश्वरया सेवाभाव भक्ति यानाव चों चों छन्हुया
दिनय् कालगतिं मन्त । ईश्वरयागु भक्तिभाव याके निर्वाण पद
लानावन ।

दाजु लव ल्हाना थकुगु राज्य बालार्चनं न्ह्याका यंकल ।
धार्मिक जुजु जुया च्वन । यल देशय् बुं ज्या याइपिं सुं मदया
च्वन । मेगु देशं अथवा गामं अन्न हया नयमा । उकिं बुं ज्या
यायेगु अन्न सयेकेगुलि प्राथमिकता बिल । तर दकले न्हापां बुंइ
क्ववायेगुलि सुं हे माने मजु । पृथ्वी मातायात न्हापां क्ववाइम्ह
साः वाइम्ह मनू याकन सिनावनिइ धयागु धारणा जुया च्वन ।
थबले हे छम्ह बल्लाम्ह मचांखाचा सुं मदुम्ह बलबल धयाम्ह
ल्याय्म्हयात देशया निम्तिं ज्यान पायेगु भिंगु ज्या यायेत तयार
याके बिल । व बल्लाम्ह मनुखं देशया निम्तिं क्ववाना बिल, साः
वाना बिल आषाढ महिना साः वा पिन्त इलय् बेलय् सौ साः
याना बिल । सामा बांलाना वल मंसिर महिना जुया वल वा ब्वो
म्हासुक पाके जुल । धया तःथें बलबल धयाम्ह न्हापां क्ववाम्ह
सित खनि उबेले बालार्चन जुजुं देशया निम्तिं पुण्यया सम्मान
बलबल यागु शिला प्रतिमा दयेका स्वना बिल । बुंइ वा लया
दाया बुं खल पतिं बल बल यागु भाग धका बिल । थ्व आयस्ता
दक्वं मुंका दँय् छको मंसिर शुद्धि पुन्हि (योमरि पुन्हि) कुन्हु बहनि
योमरीं लुना जात्रा माने याइगु थिति ग्वसा ग्वल । थ्व बलबल
यागु देवालय तःबहाय् (बुंगद्यो तइगु थास) वनेबले जव पति

लाव । ध्व बलबलं दकले न्हापा क्ववागु थास थसि वने बेले जव पति लागु ख्यो आतक नं दनि ।

बालार्चन जुजुं जटाधारी लोकेश्वर यागु भक्ति भाव याः, तर क्वातु मजु खमि । उकिं छन्हुया दिनस कोप जुल । मति क्वो भैरव भउचा(भति) जुया वया द्योना च्वपिं दुरु त्वंपिं मचात वा न्याना यंका सिमाया कचा कापि तया बिल । मांमपिं खँपिसं लिस्यें वना स्वगु बखतय् मचात मदया अति बिलाप याना खोया जुल । वयां कन्हय् कुन्हु (सर्कुन्हु) हानं मेव थास द्योना च्वम्ह मचा भति वया अथेहे यंका सिमासं तया बिस्सुंवन । सकसिनं खंका लाय्लाय् बुया लिना यंकल तर भति अल्प जुया वन सिमास मचा नं मदु । थुगु रितं न्हिं न्हिं मचात भतिं यंकुगुलिं राजा प्रजा दुनियाँत सकलें अफसोच याना च्वँन । गुलिसियां न्हापांम्ह काय, गुलिसियां न्हापांम्ह म्हायाय् थुगु कथं मचा तय्गु दुःखं हाहाकार जुया भउचा खना ग्याना मेगु थासस च्वं वन । उखे थुखे मदयेक प्रजागणपिं बिस्सुं वंगु खना बालार्चनया मति दुनियाँ प्रजा लोक मदयेक जि जक च्वना नं छु याये धका मतितया श्री जटाधारी लोकेश्वर छम्ह क्वबुया हया उत्तरपाखे च्वंगु मानदेव संस्कारित चक्रवर्ण महाविहारस चुकःबहालय् च्वंवन ।

ध्वम्ह श्री जटाधारी लोकेश्वरया मेपिसं दयेका तवगु विहारय् च्वनेगु मन मजु खनि । उकिं उकुन्हु राते जुजु बालार्चनयात रात्री सयन जुया च्वंबले आज्ञा दयेका बिज्यात – भो राजन थुगु

थासय् जि च्वनेगु मन मदु । उकिं छं मेवगु हे विहार दयेकि
 धका आज्ञा दयेकल । जुजुया न्त्यलं चाल आः छु याये इश्वरं
 विहार दयेकि धका आज्ञा जुया बिज्यात । गथे गुकथं जिं सिउगु
 मखु आः गथे याये धका मति अंदोल जुया च्वन । सुथय् न्हापनं
 मो ल्हुया थव नित्याचन पुजा पाठ सिधयेका क्षीर भोजनादि चन्हे
 याना थवनं पालं याना संध्यास दीप दान आरति याना सयन
 जुल । थुकुन्हु रात्री सं आज्ञा दयेका बिज्यात - भो राजन थुगु
 थास च्वना जिगु मान्यता दइमखु मेगु हे विहार याकनं दयेकि
 धका चोयेका बिज्यात । बालार्चन जुजुं बित्तियात गन गुगु थास
 दयेकेगु जिं नं मस्यु धका बित्ति यात । इश्वरं धया बिज्यात
 कन्हे सुथ न्हापां नित्य पुजा यायेवेले चखुन छम्ह वया जाकि
 नइ, व चखुचा ब्वया गन जुइ अन छं विहार दयेकि धका आज्ञा
 जुया अन्तरध्यान जुया बिज्यात । न्त्यलं चाल बालार्चन जुजु
 दनां याकन मोल्हुया निलः हया नित्य पुजा याना पाठ याना च्वन
 थुगु अवस्थास जुजुं खंक चखुचा छम्ह वया जाकि नया ब्वया
 वनां उत्तर पति छगु ख्यलय् जुना अत्य जुया वन । थुगु थासय्
 राजां चिं तया थव गुरु पुरोहितपिसं जग्गा परिक्षण याना क्षेत्र
 सोधन याना भिंगु शुभ लगन शुभ दिन मुहुर्तय् जग स्वना
 देगःया लक्षण बिचारयाना दयेके बिल । चतुर्द्वार चतुर्ब्रम्ह
 विहार, चतुस्तम्भ, चतुर्महाराजा, अष्ट श्रृंगे, अष्ट भैरव सुमेरु
 प्रमाण देवालय गजु प्रतिष्ठा याना व अष्ट बोधिसत्व स्वना ध्वज
 पाताका सं शोभां च्वामोलादि विभूषितं ॥ अति लक्षण प्रमाण नं

दयेका बिल । थनलि भिंगु दिनय् प्रतिष्ठा यानाव बालार्चन
 संस्कारित तानिंगल विहार धका नामकर्ण यानाव श्री
 जटाधारी लोकेश्वरया भाव भक्ति यानाव च्वन । थुम्ह इश्वरयात
 चखुंचा रुप कया विहार दयेका बिज्याम्ह जुगुया नितिं चखुं बाहाः
 देव धया तल ।

थुगु हे वर्ष गुरु पुरोहितपिंके न्यना रथ जात्रा यायेगु मति
 तया न्यना बिज्यात ।

रथया लक्षण प्रमाण

वैशाख शुक्लया दशमी कुन्हु हामो किल चतुर्माहाराजा
 घमा पासा नागया बाहां हितिमंगः न्यता पाँयया चिन्हय् दु ।
 घलचाः प्यम्ह भैरव, घःमाः बरुण नाग खव जला मध्ये मण्डल
 चतुर्द्वार मैत्री करुणा । मुदिता, उपेक्षा, चतुस्तोरण रथ सुमेरु
 त्रयोदश भुवन बाय मोले वज्रसत्त्व गुरु अकनिष्ठ छत्र ध्वज
 पताक वितान सहित अति स्वभायमान (भुवन) चन्द्र सूर्य
 भूषण ।

सालिगु खिपत ८ अष्ट नाग । च्यापु वलपौ नाग लोक
 लःसिं ८ च्यागोला अष्ट दिग्पाल थुलि संयुक्त याना वैशाख सुदि
 चौथि कुन्हु देव रथय् बिज्याकेत रथ प्रतिष्ठा । कलशय् तिर्थया

लख पंचामृत पंचरत्न पंचोषधि पंच पललबी व अक्षत दुर्वा
 कुण्ड सहित किसलि पंचसूत्र सहित । स्कन्धौ ज्वला न्हायकं
 सिन्धमू क्षीर भोजन सहित चतुष्ट्यादि बलि सरोज पत्र अलि बलि
 नागयात ११ पुई योमरी तथा गुरु पुरोहित हेन बाहाः व चखुं
 बाहाःया प्रजास उपाध्याय च्वना माक्वं मंत्र जप समाधि योग
 याना देश जात्रा यायेगु धिति थौं अध्यापि चल्य जुया च्वन ।
 यक्ष बाजा, धिमे बाजा व भुस्या इन्द्र बाजा काहां पुइगु । थुगु
 कथं देश भरिया अत्यन्त हर्षमान नं जात्रा याकगु जुल । थुगु
 समय थ्व यल देश सहकाल जुया व लोकपति सुखन काल
 हनाव च्वन । थासथासं याः न्यायेका न्हिथं न्हिं पुजा भाव तोत्र
 पाठ जप यानाव देश परिक्रमा यानाव वैशाख पुन्हि कुन्हु रथ
 विसर्जन यागु जुल । थुगु जात्रा देश देशान्तर नं न्यनाव स्वयेगु
 इच्छा यात जिगि जिगि धायक माने याइगु जात्रा व्वचाल ।

थनलि श्री मति देशे न्हापा यागु थासय् मतिक्वे श्री
 यन्मान्तक भैरवया थासस मांशाहुति यज्ञ यायेगु व चखुंचा छजो
 पुजा याना खँ कनिगु – हे चतक नाम पंछि छ स्वर्गय् वना “श्री
 जटाधरी लोकेश्वरया रथ जात्रा सिधल छ वना देजराज इन्द्रयात
 कना बिउ हुं ।” हानं न्यां छजो कया पुजा याना खँ कनि – “हे
 मत्स्य छ पातालय् वना श्री जटाधारी लोकेश्वरया रथ जात्रा
 सिधयेका नं श्री भैरवया थास होम कर्म यात धका कना बिउ”
 धका पुखुलि तोता छाइ ।

थ्व खँ यें, ख्वप, भोंत थ्यंक दक्व गामय् तक नं जाहेर
 जुयावन । दच्छि दस्येलि हाकनं वैशाख शुद्धि चौथि थ्यंक वल
 न्हापा यागु जात्रा स्वये मखंपिनि नुगः मछिना लिपा यागु सां
 तापा तापापि न्ह्यवहे चाहिना स्वल वल । थ्व रथ जात्राया
 बयान जुयाव वं वं भोंत तक नं थ्यन । वयेत छन्हु वनेत छन्हु
 माव । थ्व भोंत बन्दिकापुर यापि मनूत भोछिं भोछिं निन्हु
 प्यन्हुया ज्या दिना हे वयेगु वनेगु जुल । सकलें यलय् श्री
 पद्मपाणी लोकेश्वर चखुं बाहाः देवया जात्रा स्वयेत वःबेलेय्
 भोंत देशय् चण्डेश्वरीया थास वइ वनिपिं कम जुया वल ।
 भिंभां दं थें जुल । थ्व भोंत देशया देवी चण्डेश्वरीं थ्व बयान
 सिल । धाथें गुलिजक बांलागु थ्व जात्रा जुइ धयागु स्वयेगु मति
 तया आकाश मार्गं यलय् थ्यंक बिज्यात । थ्व कुन्हु नुगलय्
 भुज्या जुया च्वन । जात्रा धाथें जिगि जिगि हे च्वं । मनूतय्
 मचात मिसात न्हुगु न्हुगु वस्त्रं पुना बांलाक समायाना तिसां
 तिया जिक्व छायापिया थो थो स्वल वया च्वन, गुलिं बाजा थाना
 च्वपिं सा गुलिं प्याखं नं हुपिं, गुलिं पुजाभू ज्वना नैवद्य पंचामृत,
 धुप दिप अनेक प्रकारया स्वांमाः मधि चधि छत्र, ध्वज पताक
 आदि छाया अत्यन्त रसरंग याना नया त्वना जुया च्वन । थुखे
 भों देशया चण्डेश्वरी भेषधारी मनू जुया न्हिछिं उखें थुखें चाहुला
 जुया च्वन । प्वा लघाय धुंकल सुनानं छ्वाः छकू नकुपिं मद्दु,
 आला तँ नं पिहां वये धुंकल । नुगल जात्राया वछुत्वा धका
 न्हय्गु त्वालं मानय् याइगु जात्रा जुया च्वन । चण्डेश्वरी देवी

मि जुया उखें थुखें छेँखा दुहाँ वना छेँखा छेँ मेगु छेँ मिं नया व
 वं न्हयगु त्वात नं मिं नया हाहाकार जुल । गुलिसियां नये मखन,
 गुलिया वसः तिसा लासा फांगा बसजा इत्यादि मिं नया नखः
 अखः जुया च्वन । थ्व खना रथय् बिज्याना च्वम्ह श्री जटाधारी
 लोकेश्वरं बिचारयाना बिज्यात - सुनां थ्व जिगु जात्रा बिघ्न
 यात धका ध्यानं स्वःगु बखतय् मिं जुया च्वम्ह चण्डेश्वरीयात
 खँन । मिं स्यायेत कुतल याना च्वपिं काय्ल जुल । मिं स्यायेत
 इश्वरं मदत याना बिल । जल वर्षेयाना मिं दक्व सित । निर्दोष
 मनू तय्गु थास बास त्वाकबुक जुल । तर बन्दिकापुरे
 चण्डेश्वरी यात्रा तन्हु माःगु मखुत । थुकियात बदला उबेले
 काये धका जटाधारी लोकेश्वरं मति तया बिज्यात । रथ जात्रा
 सिधल ।

वैशाख पुन्हि थ्यंक वल चण्डेश्वरीयागु जात्रा याइगु इल
 जुयावल । श्री जटाधारी लोकेश्वर आकाश मार्गं भोंत देशय्
 थ्यंक बिज्यात । जात्राया हुल मनूतय् लिमला । थुबेले लाक्क
 जटाधारी लोकेश्वर अग्नि जुया चण्डेश्वरीया जात्रा यायेत थिक
 जुगु अवस्थास लाक्क गजुलि मिं नल । अनलि पोल मिं नल खत
 समेत छेया वल । द्यो पालापिं ग्याना बिस्सु वँन । खतय् च्वम्ह
 चण्डेश्वरी अग्निया भयं ग्याना खतं कुहां बिज्याना बिस्सु वँन ।
 मनूत मि स्यायेत कुतल याना च्वन । चण्डेश्वरी सुरक्षाया लागि
 थवगु देगलय् बिस्सु वँन । देगलये गजुलि निसें कया देगः जग

थ्यंक मिं नल । चण्डेश्वरी अन देगलं नं बिस्सु वना वांउगु सिमा
 चोकाय् थहां वना च्वन । सिमान मिं नल । जमिन नं दुने
 सिमाया कचा बः कया सुला च्वं वन । सिमा फुक्कं मिं नया हा
 जक बाकि जुल । भचा लंका मि ग्वारा दनिला धका तिइजक
 छयौं ल्होना स्वत । उकिया प्रमाणं वय्कःया मूर्ति स्वंगः मिखा
 जक जुया च्वंगु जुल । थ्वहे स्वंगल मिखा मनूतसें चण्डेश्वरी
 धका थौ तक नं पुजा आज्ञा चलेयाना च्वन । मिं नया थ्व देवी
 मंत धका म्हासुगु कापतं तोपुया तल । आः तक नं म्हासुगु इलां
 थें तइगु चलन दनि । लिउने पाखें वना जक दर्शन याइगु जुया
 च्वन । थ्व देवीया थास वनेबेले तपुलि पुया वने मजिउ । थुखे
 जटाधारी लोकेश्वर चण्डेश्वरी पिहां मवल धका मति तया छगु
 देशस बास च्वना कन्हे कुन्हु थःगु देश लिहां तानिंगल त्वाल्य्
 विहार्य् आनन्दनं बिज्यात । थ्व कुन्हु निसें बिघ्न बाधा मजुल ।

जुजु बालार्चनया दाजु बृषदेव बर्मा मदये धुंका वय्कःया
 स्त्री रानीया गर्भ पुत्र जन्म जुगु जुल । थ्वहे इलय् बिधवा
 ब्राम्हणी छम्हया पुरुष मदया न्त्यो मवया शिव शिव धका अनेग
 बिलाप याना च्वन । निदं प्यदं लिपा थ्व ब्राम्हणीया एकचितं
 शिव शिव धका भक्ति याना च्वंगुलिं छन्हु रात्री महादेव बिज्याना
 ब्राम्हणीया प्वाथस दया मास पूर्ण जुसेलि पुत्र छम्ह जन्म जुल ।
 महादेवया बिजं जन्म जुउवगुलिं थ्वया नाम शंकराचार्य धका
 नामकर्ण याना प्रतिपाल यानाव तल । वैश जाया १६ दँया उमेर

जुसेलि थवगु पिता श्री महादेवयागु शैव धर्म प्रचार याना बौद्ध
धर्मयात तुच्छ याना शैव धर्म माने मयापिन्त संजाये बिया शिव
धर्म प्रचार याना देश देश चाहला जुल । नेपाल देश न थ्यंक
वल । थुगु बखतय् मंजुपटन देशये १६म्ह विद्वान त मंजुश्री
शिष्यपिं दया च्वन । थुमिसं थ्व पापिया खाः ला स्वये मत्यो
धका अन्तरध्यान जुया बिज्यात । नेपालय् नं बौद्धधर्म न्हंकेगु
कुतः याना हल । वहे इलय् जन्म जुम्ह बृषदेवया पुत्रयात शंकर
देव धका नां तल । शंकराचार्य आपालं धर्म ग्रन्थ नष्ट याना
शिव धर्म प्रचार याना माने मयापिन्त स्याना बिइगु तकं याना
च्वन, भिक्षु भिक्षुणीपिन्त नं जवरजस्ति विवाह कर्म याना गृहस्थी
याना मद्य मांसया आहार याका बिल । थुगु प्रचारं विहार बहिलि
वं धालथेहे तया दिग्वीजय याना व वं तानिगलं विहारय् थ्यंका
बालार्चन देव नापलात । वय्कःयात नं शिव धर्म मानेयाकेत
कुतःयात, जुजु माने मंजुसेलि जुजु खलः जुया स्याये मछिना
गृहस्थ भिक्षु याना बिल । न्हापां हिंसा कर्म मयासानं जटाधारी
लोकेश्वरया रथ बिसर्जन पुजा जुइबेले हिंसा मयासे मगाका
बिल । उकुन्हुनिसें रथं लोकेश्वर क्वाकायेत हिंसा कर्म यायेगु
दत । उकुन्हुनिसें रथय् च्वम्ह पांजुयात हे मद्यमांस नका बिल ।
अथेसां नं श्री जटाधारी लोकेश्वरया पुजा न्हिथं पंचामृत भक्ति
भाव यायेगु ज्या जुया च्वन । बालार्चन जुजु थ्वहे विहारय्
चूडाकर्म याना गृहस्थी भिक्षु जुया न्हिन स्वकोल मोल ल्हुया
नियमपुर्वक क्षीर भोजन मात्र याना जुल, जटाधारी लोकेश्वरया

जन कल्याणया लागि भक्तिभाव तया शंकराचार्यया नियम पालन
मजुल । शंकराचार्य थुगु थासं भक्तपुर देशय् वना अपाल बौद्धधर्म
शास्त्र ध्वंस याना, सको देशय् वन । अन नं बौद्ध शास्त्र खुसिइ
चुयेके छोट, खड्ग योगिनि सियेका ग्वफस तोताहया फस
पुइके छोट । खुकोल तक नं फस पुइका क्वफासेलि योगिनियात
स्तोत्र भाव यात-

नविक टोटभ भैरव रुपधारी
गज धर्म पट्टाध्वक त्राशकरी
त्रयलोचन क्रोरक लाल मुखी
प्रणामी शुभाकरी एकजुटी ॥

थुगु प्रकारं स्तोत्र ब्वना यहाँ वन देवी दर्शन याना बलि
बियेत्यन, थन देवी आज्ञा जुया बिज्यात - थन पशु हिंसा याये
मत्य धका आज्ञा जुसेलि शंकराचार्य धाल जिं मति संकल्प याये
धुंगुलिं लित यंके मखु धका क्वे हया महाकाल स्थापना याना
द्योपाला ब्वना हया हिंसा हे याका बिल । थुकुन्हु निसें हिंसा
यायेगु चलन जुया च्वन । अन नं ल्हासा देश वने धका उत्तर
पंथस वन ।

बालार्चन देव जुजुं सुरुयाना थकुगु थ्व जटाधारी लोकेश्वर
यागु मुख्यगु जात्रा जुल । मेमेवगु न्हयगु खतय् तया क्वबुया

जात्रा यायेगु जुया च्वन । कलिगत वर्ष ॥ अन्तिम कलि वर्षाणि
 शुन्य द्व द्व रसाग्निषु ॥ ३६०० स्वदोल व खुसल सवतस यल
 देशय् वल देवराजाया पर्यायस कामरुकामाक्षा देश आसामं श्री
 करुणामय नेपाल बिज्याकल थुकिया जात्रा बांलाकेया नितिं
 मेमेगु जात्रा न्हय्गु फुक्कं म्हासय या धका मेमेगु देवतायात
 साधना याना क्षमा पुजा याना खुम्ह देवता पिनिगु ज्या सिधयेका
 तानिगल त्वाल्य् पुर्व सन्मुख याना शिलामय चैत्य स्थापना
 याना बंधुदत्त गुभाजुं आह्वान यागु जुया च्वन । थुगु श्री
 जटाधारी लोकेश्वरयागु रथ जात्रा म्हासय यायेत आह्वान या
 बेले इश्वर तं चाया क्रोध दृष्टिं स्वया बिज्यागु बखतय् बंधुदत्त
 बज्राचार्यया न्ह्योने चैत्य तवगुलिं चैत्यया गजु याक्वे निसें बागः
 बागः जुइक संगुबाल बछि थौतक नं बाकि दया च्वन तिनि । थ्व
 देगः तंगल त्वाल्य् तःबहाः वनेबेले बलदेवया न्ह्यवने जवे पति
 लाव । थथे जुगु बखतय् बंधुदत्त बिचार याना स्वबेले श्री
 जटाधारी लोकेश्वर यागु रथ जात्रा म्हासय् याये मजिउ धका
 सियेका क्षमा पुजा याना क्वचायेकल थुबेले निसें मेवगु खुगु
 जात्रा म्हासय जुल ।

थ्व जात्रा बुग देवया जात्रा स्वया न्हापालाक श्री
 जटाधारी लोकेश्वरयागु जुइ । अनलि लिपा श्री करुणामय यागु
 जुइ । उके लिपा गाबहालया जात्रास चौथि कुन्हु न्हापनं साला
 यका पुलचोक तक यकिगु । अनं निसें लिउने श्री करुणामय

बिज्याकेगु न्ह्यो श्री जटाधारी लोकेश्वरया रथ याः न्यायेकिगु
 जुया च्वन, अनलि नुगलय् बिज्याकेगु बखतय् न्ह्योने याः
 न्यायेकेमावगुलि लिउने च्वना बिज्याइगु याः न्याकिबेले न्ह्याने
 तु बिज्याकिगु । अनलि लगं जात्रा धुका अलग बिज्याना पच्छिम
 स्वका तइगु । ज्यावला जात्रा धुका अलग बिज्याइगु । श्री
 करुणामय दक्षिण स्वया अमरापुर वुंगमति बिज्यायेत श्री
 जटाधारी लोकेश्वर याके बिदा कया बिज्याइगु जुल । थौं तक न
 ख थिति चुक बहाः देव न बिदा पुजा धका बिया च्वन तिनि ।

ज्याबले पुजा कुन्हु वर्ष बंधन यागु पुजा फया लिहा
 बिज्याइगु सकुन्हु देगलय् दुहा बिज्याकिइ । वया प्यन्हु कुन्हु
 रथय् यिथिमिथि जुगु या शान्ति स्वस्ती प्रायश्चीत ब्यंकेगु चलन
 थौं तक नं दिनि ।

अनं लिपा थवगु न्हापायागु थास श्रीमति देशय् यन्मातक,
 प्रजातक, पद्मान्तक, विघ्नान्तक, अचल टकिराज भुभराज, महाबल,
 उष्णीष चक्रवर्ति दश क्रोध महा भैरवया न्ह्योने मांसाहुति यज्ञ
 होमार्चन सिधयेका दश स्थवीरादी पिनि सह भोजन जुइगु
 अनलि लिहा बिज्याना श्री जटाधारी लोकेश्वरया थास न्ह्योने
 च्वना देश जात्रा सिधयेका शुभंगल गाथा च्वना श्री महाकाल
 पुजा तले आगम देवता, मारिचि देवी समेत पुजा जुइ । श्री
 बसुन्धरा देवी पुजायाना गणचक्र भोजनादि धुमागारी समेत

सिधयेका थव थव छैस लिहां वनि । सर्कुन्तु गुण कारण्य व्युह
पाठार्चन यान्ता थव धिति इष्टमित्रादियात ईश्वरयागु प्रसाद
बिडगु चलन दु ।

कालान्तरे सिद्धि नरसिंहया काय श्री निवास मल्लया
पालयू श्री जटाधारी लोकेश्वरयागु मूर्ति अंगभंग जुयाव अष्ट
धातु यागु मूर्ति नेपाल सम्वत ७७९ सं जटाधारी लोकेश्वर
ईश्वर इष्ट देवता दुता धका दयेका वंगु जुल ।

वयां लिपा संवत ८३६ सालय वैशाख कृष्ण औसिया
ज्येष्ठ शुद्धि प्रतिपदा बृहस्पतिवार बहनि ९ ताः इलय श्री
जटाधारी लोकेश्वरया रथ धति त्वालय तया तब बेले आकाभाका
मिं तल, उबेले जुजु श्री ऋद्धि नरसिंह मल्लया पर्याय सं प्रजागणपिं
पुरोहित मंत्री सकलें वया उबेलेया दशस्थविर आजुपिं, तंगः
बहालयापिं सकलें मुना सल्लायाना देवयात रथ ब्वकया फलेचास
बिज्याका मिं नवगु रथ फुक्क पिया हया जिउगु ज्याय कया
मजिउगु शंखमोल खुसिस चुयेके छोया रथ दयेका हेनबहाःया
मुलाचार्य थुक बहाःया जामन गुभाजुया सन्तान उपाध्याय समेत
च्यना भिनिम्ह बज्राचार्यपिसं ७००० कारणडब्युह पाठयाका
यल देशया ब्रम्हुत दक्खिसिनं बेद पाठ याका, दण्डवत याका जुजुं
भूमिदान, सुवर्ण दान, गौदान याना रथय ईश्वरयात तल । थ्व
सालय न्याम्हसं न्याको हे पाठ शान्ति स्वस्ति यासां बान

मलात । भिंगु साईत न्वया ज्यावले पि साल । ज्यावलाखेलं
जात्रा सिधयेका देव चुक बहालय् लिमथ्यव छम्ह मनूयात घःचालं
क्यला सित । निम्हसित घाःपाः जुल । थ्व हे सालय् श्री करुणामय
बुंग थ्यंक साले मावगु यंकुबेले घःचालय् गोला तवगु आंसिं
सुइगः(३०) तोलधुल । न्त्याथे याना नं बुंगय् श्री करुणामय बुंग
देशय् थ्यंका ज्यावले जात्रा सिधयेका देगलय् बिज्याकल ।
शुभम् ।

ने.सं. (श्रयस्त्व) सम्वत ८५६ सं जुजु विष्णु मल्ल व
वया तधिकलम्ह रानी चन्द्र लक्ष्मी व चिधिकलम्ह रानी विश्व
लक्ष्मी नापं स्वम्हसिया मल्लाह नं जटाधारी लोकेश्वरयात वहया
पाच (मुकुट) दुन्तागु जुयाच्चन ।



- १) तुरंगल्ल सल तइगु थास जुया निंतिं तानिगल तंगः
- २) मणिगल मणिगल प्रासाद - मंगः दरवार लुँ भयाल मंगलया
प्रमाण
- ३) मणि चैत्य - मंगः हिति फुसे च्वंगु चिभाद्यो
- ४) मणि धारा - मंगः हिति २ धाः
- ५) मणि गणेश - हिति फुसे दक्षिण स्वया एकपाद नृत्य ४
पा ल्हाहा दुम्ह
- ६) मणि महेश्वर - भिंद्यो क्वय् लोह देगल्य् दुने च्वम्ह
महाद्यो
- ७) मणि कुमार - भिंद्यो
- ८) मणि मण्डप - १६ थाम दुगु फलेचा मंगः हिति च्वय्
जवय् व खवय् च्वंगु फलेचा
- ९) सभागृह - सौगल
- १०) किसि तइगु थास - हस्तीगल, हातिगल, हौगल
- ११) नोगल भौत - नुगल



ISBN 978-9937-2-6721-2



9 789937 267212 >